

سنوا کواتوا	Sanwa Kwaatwa
تکوا تکتوا ایفین این۔	Takwa takatwa iifiin een.
اوروا اوتوا ایبرین۔	Oorwa ootwa iibriin.
انانڈوا ونیت مسکینابا۔	Aan'indhiwa winneet miskiinaaba.
نات کیبارون۔	Naat kiibaruun.
تأمیرنے و هالھونا گھسمتا۔	Tu'imiirni whaalhoona kahasamta.
اونداب قال دور ٹوتکت یکتایت،	Oond'aab gaal door tuutakat yaktaayit,
"انہن ٹونمیرے و هالون گھسمتا۔"	"Aanhinin tuunimeeri whaloon kahasamta.
فڈقین کمھتاھون۔	Fadhigeen kamhataahoon.
ناھوئی اینیار کتسیسقی؟"	Naanhooy eeny'ar kitsiisagiyyay?"
اوشنھا کسو اوداینے،	Uushanha kassoo uudaayiini,
ھندیب کتایتیت،	hindiib kat'etiit,
اوسوقیب ایڈلینا۔	uusugiiib iidlibna.
ایڈلینھوب، یھندیب امرنیت تونا،	Iidlibnahoob, yhindiyeeb imirneet toona,
گسے کمھتا۔	kasse kamhata.
اونداب ٹوتکت،	Oond'aab tuutakat,
"بس، اینیار وھوادے تریب قیسست،	"Bass, eeny'ar whawaadi tarabeeb giigsat,
ٹو غابا شومسا۔" تے۔	tuughaaba shuumsa!" tidi.
"داییت"	"Daayiitu"
ایے، اوتک۔	idi, uutak.
واور ایمسو،	W'oor iimsaw,
یہلیہنا اینیکرنا این۔	ibhaliihina isniikarna een.
تاور واوتا،	T'oor waawita,
سوینھوب۔	sooyanhoob.
"بیواوی۔"	"Biiwaawii!"
انے اوقویوندا نڈقیب۔	Ani uugawiiyoonda niddagiyeeb.
اوسکایے دایب اکتین۔	oosikkaayi daayiib akteen.
اویب ایراب امر۔	Aweeb eeraab imiru.
اھوادے تریب اوبابا های قیقایت،	Uhawaadi tarabeeb uubaaba haay giigiyaayit,
ھندیب کتایب اوتکتیت ایتلس۔	hindiib kat'iib uutakiit itlis.
ایتلسیت،	Itlisiit,
"بابون مسے ایفی"	"Baabuun masi eefee"
اینھوب،	eenhoob,
ویر سگا یابکیت،	weer sikka y'abkiit,
انڈوا ایھودا یافر۔	indhiwaayiihooda y'agar.
اونداب انڈوا اینب اکتھوب،	Oond'aab indhiwaayeeb iktimhoob,
ٹوتکتوہ سوپیایت،	tuutakatoooh sooyiyaayit,
"یہیے، تکتی۔"	"Yhayi, takatay!"
یار اتلسیت۔	Y'ar atlisiit.
اومھینھونا اسوقم" ایے۔	uumhiinhuuna asoogim" idi.
واور، اوبابا یکسیانھوب،	W'oor, uubaaba yaksiyaanhoob,
اویبکا دورکا دورکا ایقہ،	aweebka doorka doorka iigid,

اوسگايے كنا۔	oosikkaayi kana.
ايدايٲ،	iidaayt,
اونءاب واور يكييايت۔	Oond'aab w'oor yakiyaayit.
"يكي۔	"Yakii!
نڊقي۔	Niddigay!
انءويين نيبي۔"	Indhiwayeen niibay!"
"كك ننگن؟" تتهوب،	"Kak neekan?" tinihoob,
"اے اوقويون سكار هسهوك اند" اءے۔	"Ani oogawiiyoon sikka rhisihook andi" idi.
ياوے اوسگايے قيديانيب اهرو۔	Y'awi oosikkaayi geediyaaneeb ihariw.
اوبيا، اوبيا، اوبيا،	Oobiya, oobiya, oobiya,
اوقو هوئا اکتما۔	oogawhoona iktimna.
اوقويءا اءقنهوب،	Oogawiida idgeenhoob,
توندئ وئيت تهسيت۔	tuundee winneet tehasiit.
اوبابا تشميت:	oobaaba tishmit:
"بزوڪ يار كوءساب كئا؟	"Baruuk y'ar kwidhisaab kitta?
ياقرنے ايبان،	Y'agarni eeyaan,
ان اکتين۔	aan ikatiin.
اون لهيت بنگوءسينك،	Oon lhayt bitkwidhisayeek,
انئوا بزوكوا امفءقاب" تءے۔	aneewwa baruukwa amfadigaaba" tidi.
"ءايپٲ"	"Daayiitu"
ايدت،	idiit,
بزوه يارئ وئيت ارنيے۔	baruuh y'aree winneet areeyi.
لاكين توتكئوه بزوه هكومت۔	Laakiin tuutakatuuh barooh hukwumat.
اونءاب و هواد اترهوب، ؟؟	Oond'aab whawaad itrabhoob, ??
يارئ يکسييا۔	y'aree yakisiya.
اونبا اوراو، واور هءيب امرؤ۔	Oonb'i ooraaw, w'oor hadhiib imiru.
وهءے ءبلو ناتيب كئايا۔	Whadhi dibiluu naatiib kat'iya.
كئايايتكا،	kat'iyaayitka,
اونبابا هاي اسقهوب،	Uunbaaba haay isgihoob,
نات ايءء، ءبلو نا ايءء۔	naat iigid, dibilu na iigid.
قءئ، قءئ، قءئ،	Gidee, gidee, gidee,
اوسگايهونئا اكهريب اکتمهوب،	oosikkaayiihoona aakhariib iktimnhoob,
اونبابا هنءے كئايب۔	uunbaaba hindi kat'iib.
اوتكيت توشجرا ائا۔	uutakiit tuushajara ith'a.
"بابون ائفي" ائن، يار۔	"Baabuun eefee" een, y'ar.
بزوه وئر سگا يابكيت۔	Baruuh weer sikka y'abkiit.
انءوا ايءا ابيے۔	indhiwaayeeda ibi.
اونءاب واور ءقيا ايدايٲ،	Oond'aab w'oor digaya iidaayt,
سکيئنا اقم۔	sakiyeena igam.
کلاي هر اي ايبايٲ۔	kilaay har'ii eeyaayit.
وهءے لکئايا۔	whadhi lakkatiya.
لکئايايت کسئ اسنهء۔	lakkatiyaayit kasee isinhad.
واور اوسگايوه اونا اءهوب،	W'oor oosikkaayooch ooba idihoob,
اناو۔	inaaw.

يار اوسگايپهونا اقمنا.	y'ar oosikkaayiihoona igamna.
توغابا ونيت شوميان.	Tuughaaba winneet shuumiyaan.
وير سگا يابكنهوب،	Weer sikka y'abiknahoob,
اوسگاي قو رهيان.	oosikkaayi gaw rhiyaan.
اوقو ناناتي تگواكوو؟	Uugaw naanaatii takwaakwu?
هدبيووا، ملكو تيوا،	Hadhiiyeewwa, milikwteewwa,
نفر ناتيوا تگواكوو.	Nafir naateewwa takwaakwu.
اونداب يار اوقو ريويان.	Oond'aab y'ar oogaw reewiyaan.
ريويان، اوقوے نات كتايان،	Reewiyaanit, oogawi naat kat'iyaan,
هرقوابيت.	hargwaabayit.
اوقويت انكونا يكتاپت:	Uugawiit ankwana yaktaayit:
"ابوا، اوقوو كتاييے؟" تديے.	"Aabwa, oogawuu kat'iini?" tidi.
"آے برامو." اين.	"Ani baramu." een.
اونداب تمي تمي تمي قيبانهوب،	Oond'aab tamee tamee tamee gabiyaanhoob,
توكتت تايقريم بريه تابك.	tuukatat t'eegriim bareeh t'abik.
تليليتاه دايب كر هيان.	Tiliiliitaah daayiib karhiyaan.
تابكيت،	T'abkiit,
"بسي بسي بسي. آے اونداب دايبت مارے امرو."	"Basi basi basi! Ani oond'aab daayit m'ari amiru."
تديے.	tidi.
تاوورا واوورا سكيي نا اقمنا.	T'oorwa w'oorwa sakiinee na igamna.
تابكيت دبلو گلبيب تديا.	T'abkiit dibilu kaleebiib tid'i.
كليے كفسيب.	Kilayi kafasiib.
وهداوا، اوگوروا، وهيلوا، كسي سوتايت،	Whadhaawwa, ookwiribwa, wheelaywa, kasee sootaayit,
"؟؟؟؟؟نياريدا مارييت هامانا." تديے.	"Eeny'areeda m'ariit haam'aana!" tidi.
"شويينا، بريه ساكرنا.	"Shawawiina, bareeh s'akirna!
ايدنهوب آمي ادا اند" تديے.	Eedhhanhoob aami ad'a andi" tidi.
"دايبت" اينيت،	"Daayiitu" eniit,
كسا امريي ناكا دهاي هايان.	kassa imriinee naaka dehaay ha'eeyaan.
يار تومارے امرينهوب،	Y'ar toom'ari imiriinhoob,
ونيت افريهان.	winneet afirhiyaan.
توماريتوه تمي تمي تمي.	Tuum'ariitooh tamee tamee tamee.
ونيت ادهنا.	winneet idhanna.
قال دور توكتت يكتاپت.	Gaal door tuutakat yaktaayit.
"فجر فجر تيبالايكتنا براب رقتنا.	"Fajir fajir titiibalayteekna barraab rigigna!
تدهنتت تونا ايشيب اندے.	Tidhhanneet toona iishbib andi."
واور انجمابيت،	W'oor anjimaabayit,
نهوے هندی امرييت،	nhawi hindee imruyit,
توتيبلايبيوه دبي يابك.	tuutiibalaaytiyooh dabaay y'abik.
اومها مهينهوب، توكتت دهاي اينتاپت:	Uumha mhiyanhoob, tuutakat dehaay eetaayit:
"تتيبالايكتنا براب رقتنا." تديے.	"Titiibalayteekna barraab rigigna!" tidi.

واور "داييت" اديت، توتيبلاييتيوه قود وهندے ارقق۔ توتکت وهندے تتهتيت، "ها، باراڪنا ماسے نهوييانا۔ دوم كتبرون" تديت تاش قيقنا۔ مهيه تياتے هر اي تافر ايتايت، "هندے، تيبليتيكنا مرو رققن۔" تدے۔	W'oor "Daayiitu" idiit, tuutiibalaaytiyooh gwad whindi irgig. Tuutakat whindi tatehatayit, "Thaa, baraakna masi nhawiibaana. Duum kitbaruuna" tidiit t'ush giigta. Mhayi tinaati har'ii t'agar eetaayit, "Hindee, titiibalayteekna maruu rigignan!" tidi.
واور "داييت" اديت، سور سكيانيت تونا اوندابهن سكيان۔ توتيبلاييتيوه قود وهندے ابيت مرے ارقق۔ لاكين توتکت۔	W'oor "Daayiitu" idiit, suur sakiyaaneet toona oond'aabhan sakiya. Tuutiibalaaytiyooh gwad whindi abkiit mari irgig. Laakiin tuutakat.
"ماسے تينهونيك، تيدھنيك، امے اداھوكنا اندے۔" تدے۔ هنديب تيشوويت، نايت تدرق۔ ياريدا يكتايت، "مرنا۔" تدے۔	"Amsi teenhawineek, teedhhanneek, aami ad'ahookna andi!" tidi. Hindiib tishawawiit, n'eet tidrig. Y'areeda yaktaayit, "Marna!" tidi.
واور توتکت يهنده توناييت توناييت تونا رهنهوب، هر ايسا ايتايت، توناييت اكوٹ ادا۔ "راوييوكدا فريكتيت، اوكنايوك هو ي تيبنا۔" اديت، توكواتوه ايهات اوقو شوميا۔ اوقويب تهي ناكا ايهيت، اندواينه ايين۔ اندواينه اکتمنهوب، توديتھونا تاماق ايا تسنه۔ يار اونابابا رهيانهوب، وتيت افرهيان۔ "نيريے ناگا بريتوكت" اينييت۔ واييب داسيان۔ "ستهلتني" ايين۔ اوتك وتيت افرهيايت، ياراه وتيت اريينييت تونا اينييت۔ ليبانيا۔ وهالھونا ايدل۔ اوبلد كسييوه ايتوگانا۔ "داامن تودايني دان، داينييت مر" اينييت، وتيت افرهيان۔	W'oor tuutakat yhindi tuun'eeiib tid'iyeeet toona rhanhoob, har'iisa eeyaayit, tuun'eeiib ikwith id'i. "Araawiiyookda farriikeet, ookinaayuuk hooy dhibtiniya!" idiit, tuukwaatooh iyhaayit oogaw shuumiya. Uugawiib tehii naaka iyiheeniit, indhiwaayeeh ibeen. Indhiwaayeeh iktimnhoob, tuudeetehoona t'amaag aya tisni. Y'ar uunbaaba rhiyaanhoob, winneet afirhiyaan. "Nimiriyeen naaka bariitooktu" eeniit. w'aayiib daasiyaan. "Astehaltiniya" een. Uutak winneet afirhiyaayit, y'araah winneet areeyiineet toona ikaniit. libaabiya. Whaalhoona ibdal. Uubalad kassiiyooh itookkaanna. "Daa'iman tuudaayiinaay dan'i, daayiinaayt marri" eeniit, winneet afirhiyaan.